

ପିତରଙ୍କ ପ୍ରଥମ ପତ୍ର ପିତର ରାଢ଼ାମାନି ର ଲମ୍ବର ଆକୁ ମୂଲ୍ୟ ହାତୀ

ପିତର ର ଲମ୍ବର ଆକୁ ପାଣ୍ଡୁଆଡ଼ି ପିତର ରାଢ଼ାମାରେସି । ପିତର ଏଞ୍ଜାସି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୁ ରାଢ଼ିମାରେସି ଏ କାତା ଖେସାନା ତାନି ଆକୁ ରାଢ଼ାଲି ମାଟୁହେସି । ଏଞ୍ଜାସି ଆମ୍ବାଆରାକି ପୁଣ୍ଡି ମେସପି ଆଆଡ଼ି ଲକୁ ଇଞ୍ଜି ଇରେସି ଏ ବାରେ କ୍ରୀସ୍ତୁକି ନାମିତି ଲକୁଣି ଆକୁତା ଖେକ୍‌ହେସି ୧:୧; ୧:୧୭; ୨:୧୧ । ଏଞ୍ଜାସି ତାନି ଆକୁତି ପଡ଼଼ି ଆନାରାକି ଏଲେକିହିଁ ଖେସେସି ଏନାଆଁତାକି ଇତିହିଁ ଏଞ୍ଜାରି ହାରେକା ଦେବା ଇତାଲା ଆତାଲା ଦେସାଣା ହସ୍ତି ଆହାମାରେ । ଇତିହିଁ ଇ ଆକୁ ଏତର ବାଗା ପାଞ୍ଜୁଲ ଏପିସିୟ କୁଲମିକି ରାଢ଼ାମାନି ଆକୁ ଲେହେଁତାୟି, ହାରେକା ଲକୁ ନାମିମାନେରି ଏପିସିୟତି ତାୟି ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାର୍ନାଆଡ଼ି ୨୫ ବାର୍ସା ତାୟି ରାସ୍‌କି ଆହାମାରେ । ପିତର ଇ ଆକୁତି ରମ୍ପି ରାଢ଼ିତେସି, ଆମିନିଗାଟାଣି ଏଞ୍ଜାସି ବାବିଲନ ଇରେସି ୫:୧୩ ।

ମିଙ୍ଗେ ରାହାଁ କିହିଁ ଅଡ଼େ ସାକି ହାହିଁ ଇଦି ଏ ମାହାପୁରୁତି ସାତା କାର୍ମାମେହ୍‌ନାୟି ଇଞ୍ଜି ପିତର ଖେସାନା ଇ ଆକୁତି ରାଢ଼ିତେସି ୫:୧୨; ୧ପିତ ୨:୧୧-୩:୭; ଏପିସି ୫:୧୮-୬:୯ ଅଡ଼େ କଲସିୟ ୩:୧୮-୪:୬ ହାରେକା ରଲେଏତି କାତା ରାସ୍‌କି ଆହାମାନେ । ଇ ବାରେ ତାନିଗଟା ଆକୁତା ଇଲୁ କୁଟମିତା ଆଣ୍ଡି ଆହାନା ତୁୟିନାୟି ଅଡ଼େ କାଜା ଲକୁତି ମାନୁଡ଼ି ଆହାନା ତୁୟିଲି ଜାପୁଡ଼ି ଆହାମାନେ । ଏତିବେଲାତା ସାସ୍ତି ଖାରେ ତାନିଆହାନା ମାଞ୍ଜାଲି ଏଞ୍ଜାସି କ୍ରୀସ୍ତୁକି ନାମିତି ଲକୁଣି ସାସା ହାହିମାନେସି ଏନାଆଁତାକି ଇତିହିଁ ଜୁଗୁ ରାନି ଦିନା ତାଗେ ଖାତେୟିଏ ୪:୧ ।

ପତିତା ମାନାୟି

୧. ପିତର ତାଙ୍ଗେ ଖେକ୍‌ହା କତିନାୟି ଅଡ଼େ ତାନି ଆକୁତି ପଡ଼଼ି ଆନାରାକି ଖେହ୍‌ନାୟି । ୧:୧-୨

୨. ଗେଲ୍‌ପି ଆନାୟି ବାରେ ଲକୁଡାଣା ଏଜାମାନାକି ଅଡ଼େ ତାମି ଜୀସୁ ଏନାୟି ଇଞ୍ଜି ପୁଞ୍ଜାମାନାକି ଏଝାସି ମାହାପୁରୁଇଁ ଜହରା କିନାୟି । ୧:୩-୨:୧୦
୩. କ୍ରୀସ୍ତୁଇଁ ନାମିତି ଲକୁ ଏନିକିହିଁ ଇ ଦାର୍ତ୍ତିତା ନୀତିନାୟି ଅଡ଼େ ଏନିକିହିଁ କି ତକ୍ରା ଅଡ଼େ ତକ୍ରି ଇଞ୍ଜା ସାଝୁକାରି ଅଡ଼େ ହଲେଏସି ନେହିଁକିଁ ତୟିନେରି ଏ କାତା ଏଝାସି ଜାପ୍ନାୟି । ୨:୧୧-୪:୧୧
୪. ପିତର ଏଝାରାକି ସାସ୍ତି ଖାଡ଼ିସାରେ ତୀରିଆହାନା ତୟାଲି ସାସା ହୀନାୟି । ୪:୧୨-୫:୧୧
୫. ପିତର ତାନି ଆକୁ ରାପ୍ନାୟି । ୫:୧୨-୧୪

୧ ନାନୁ, ପିତର, କ୍ରୀସ୍ତୁ ଜୀସୁ ତାଣାଟି ପାଣ୍ଡୁଝିଆହାମାନି ସାସୁ, ପନ୍ତ, ଗାଲାତିୟା, କାପାଦକିୟା, ଆସିୟା ଅଡ଼େ ବେତନିୟା ରାଜିତା ଇତାଲା ଆତାଲା ବାସାଆହାମାନି ମାହାପୁରୁ ଆଟାମାନି ଲକୁଡାକି ଆକୁ ରାଡ଼ିମାଇଁ, ୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଟାତେରି ଅଡ଼େ ଜୀସୁ କ୍ରୀସ୍ତୁତି ନେତେରି ଡାଞ୍ଜିଝି କିହାକତାଲି ଆଡ଼ିଝି ଆହାମାନେରି । ମିଙ୍ଗେତାକି ମାହାପୁରୁତି କାର୍ମାମେହନାୟି ଇଞ୍ଜା ହିଡ଼ି ଆପେ ।

ଜୀସୁତି ବାସ୍ତି

୩ ମା ପ୍ରବୁ ଜୀସୁ କ୍ରୀସ୍ତୁତି ଆବା ଅଡ଼େ ମାହାପୁରୁଇଁ ଜହରା; ଇତିହିଁ ଏଝାସି ତାନି କାର୍ମାଟି ଜୀସୁ କ୍ରୀସ୍ତୁଇଁ ହାକିଟି ନିକହାନା ମାଙ୍ଗେ ପୁଝନି ଜୀସୁ ହୀହାମାଞ୍ଜାନେସି, ଏଡ଼ି ମାଙ୍ଗେତାକି ନୀତିନି ବାସ୍ତି ହୀହାମାଞ୍ଜାନେ, ୪ ଏଦାଆଁତାକି ମାହାପୁରୁ ତାନି ଲକୁଡାକି ଆମିନି ଦାରାଗାଟି ବର ଇଟାମାନେସି, ଏଦାଆଁ ବେଟାଆହାଲି ମାର କାପୁ କାଟାମାନାୟି, ଏଝାସି ଲାକପୁରୁ ମିଙ୍ଗେତାକି ଏଦାଆଁ ଜାଡ଼ନୁ ତଲେ ଇଟାମାନେସି, ଏମ୍ପାଆଁ ଏଡ଼ି ନସ୍ତୁ ଆଏ କି ଖାଡ଼େଏ । *ଆମିନି ଗେଲ୍‌ପିନାୟି ରାନି ଦିନାତା ତଞ୍ଜାଆହାଲି କିଝିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୁୟା ନାମୁତଲେ ଜାଗ୍ରାତା କିଝି ଆହାମାଞ୍ଜେରି ।

୨ ଏଦାଆଁତାକି ମୀରୁ ରାହାଁ କିଦୁ, ଆଡ଼ିଜିକେଏ ନୀର୍ବ୍ୟ ଗାଡ଼େକା ତାକି ହାରେକା ତାୟିପାରି କିନି ତାଣାଟି ଦୁକୁ କସ୍ତ ବେଟାଆନାୟି ମିଙ୍ଗେତାକି ଲଡ଼ାଆନେ, ୨ ଏନିକି ଗାଡ଼େକା ନସ୍ତ ଆନି ବାଂଗାରା ହିରୁତା ହୁଡ଼ିନି କିହାଁ ହାରେକା ଦାରା ମୀ ତାୟିପାରି କିଞ୍ଜିଆଡ଼ି ନାମୁ, ଏଡ଼ି ଜୀସ୍ତୁ କ୍ରୀସ୍ତ ତଞ୍ଜାଆନି ବେଲତା ମାନି ତଲେ ଜହରାତି, ଗାଞ୍ଜୁରମି ଅଡ଼େ ମାନି ବେଟାଆନାୟି । ୮ ନୀର୍ବ୍ୟ ମୀରୁ ଏଞ୍ଜାଣାଇଁ ମେସା ହିଲୀଆତି ଜିକେଏ ଜୀଞ୍ଜୁନହୁଁ ମାଞ୍ଜେରି, ଇଞ୍ଜା ନୀର୍ବ୍ୟ ମେହୁଆତୁଁ ଜିକେଏ ତାନି ତାଣା ନାମାହାଁ ଖେସାଲି ଆଡ଼ାଆରେଚୁଁ ଗାଞ୍ଜୁରମିତି ରାହାଁତା ୯ ରାହାଁ ଆହାନା ଏ ନାମୁତି ପାଡ଼େୟି ଲେହେଁ ମୀ ଜୀଞ୍ଜୁତି ଗେଲ୍ପିନାଣି ବେଟାଆହାମାଞ୍ଜେରି ।

୧୦ ଇ ଗେଲ୍ପିନି କାତା ମାହାପୁରୁ ଅଣ୍ଟପୁତି ବଲୁ ଖେହନାରି ମନ ହୀହାନା ପାରିହୁଁ ସିନିକିତେରି, ଆମ୍ବାଆରି ଏମିନି କାର୍ମାମେହନାୟି ମିଙ୍ଗେ ଆନାୟି ମାତେ, ଏ ତାୟୁତି କାତା ଖେସାହାଁ ତସାମାତେରି, ୧୧ କ୍ରୀସ୍ତତି ଦୁକୁ ବେଟାଆନାଣି ଇଞ୍ଜା ଅଡ଼େ ତାୟୁତି ଗାଞ୍ଜୁରମି ବେଟାଆନାଣି ନକେଏ ପାରମାଣା ହୀନାସି ଇଞ୍ଜା ଏଞ୍ଜାରିତାଣା ମାନି କ୍ରୀସ୍ତତି ଜୀଞ୍ଜୁ ଏ ବାରେ ଏତିବେଲା ଖାଡ଼େ ଅଡ଼େ ଏନିକି ଖାଡ଼େ ଏଞ୍ଜାରି ପୁଞ୍ଜାଲି ନକେଏ ଅଣ୍ଟପାମାତେରି । ୧୨ ଏଞ୍ଜାରି ଏ ବାରେ କାତା ତାନି ତାକି ସେବା କିଆନା ମୀ ଲାବା ତାକି ସେବା କିହିମାତେରି, ଇଦି ଏଞ୍ଜାରିତାଣା ତଞ୍ଜା ଆହାମାତେ, ଇଞ୍ଜା ଏ ବାରେ କାତା ଲାକପୁରୁତି ପାଣ୍ଡୁଆହାମାନି ସୁଦୁଜୀଞ୍ଜୁତି ବାଡ଼ୟୁ ତଲେ ମୀ ନକିତା ନେହୁଁ କାରୁ ଖେହନାରି ତାଣାଟି ନୀର୍ବ୍ୟ ମିଙ୍ଗେ ଖେସ୍ପି ଆହମାଞ୍ଜାନେ; ଏ ବାରେ କାତା ଦୂଡୁୟାଁ ଜିକେଏ ପୁଞ୍ଜାଲି ଅଣ୍ଟପି ମାନେରି ।

ସୁଦୁଜୀଞ୍ଜୁ ତଲେ ମାଞ୍ଜାଲି ହାଟ୍‌କି ଆନାୟି

୧୩ ନେହୁଁ କାମା କିହାଲି ତିୟାରା ଆଦୁ । କାପୁ କାଚାନା ଜୀସ୍ତୁ କ୍ରୀସ୍ତ ତଞ୍ଜା ଆନି ବେଲତା ଆମିନି ବର ମିଙ୍ଗେ ହୀପକି ଆୟାନେ, ଏଦାଆଁତାକି ତୀରେତଲେ ବାର୍ସୁ ଇଟାଦୁ । ୧୪ ମାହାପୁରୁଇଁ ମାନି କିଦୁ, ମୀରୁ ତଲି ପୁଞ୍ଜାହିଲୀଆତି ବେଲତା ଆମିନି ଲାଗେଏ ପଲେଏତି ଜୁପକା ତଲେ ମାତେରି ନୀର୍ବ୍ୟ ଏଲେଆଆଦୁ । ୧୫ ସାମା ମିଙ୍ଗେ ହାଟାମାଞ୍ଜାନି ମାହାପୁରୁ ଏନିକି ସୁଦୁଗାଟାସି ମୀରୁ ଜିକେଏ

ଏଲେକ୍ଟ୍ରୋନିକ୍ସ ମାଧ୍ୟମରେ ମାଣ୍ଡଳିତା ସୁଦ୍ଧା ଗାଟାଦେରି ଆଦୁ ।
୧୭ ଦାର୍ମପତିତା ରାସ୍ତିକି ଆହାମାନେ, “ମୀରୁ ସୁଦ୍ଧା ଗାଟାଦେରି ଆଦୁ,
ଏନାଆଁତାକି ଇତିହାସ ନାନୁ ସୁଦ୍ଧା ଗାଟାଦେରି ।”

୧୮ ଅଡ଼େ ଆମ୍ବାଆରି ମୁମ୍ମୁମେହୁଆନା ବାରେ ଲକ୍ଷ୍ମି ଏଞ୍ଜାରି
କାମା କିହାମାନିଲେହେଁ ନୀହାୟି କିନେସି, ଏଞ୍ଜାଣି ତାଣା ପ୍ରାଡାନା
କିନାଟି ଆବା ଇଞ୍ଜା ହାଟିତିହାସ, ମୀରୁ ଇ ଦାର୍ତତିତା ବାସାଆହାମାନି
ପାତେକା ମାନି ତଲେ ଏଞ୍ଜାଣାକ୍ ଆଜାନା ମାଞ୍ଜୁ; ୧୯ ଇତିହାସ ମୀରୁ
ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଉଦ୍ଦେଏତି
ମାଣ୍ଡଳିକ ତଲେ ନୀଡିନି ତାଣାଟି ମୀରୁ ଖେଣ୍ଡି କି ବାଂଗାରା ଲେହେଁତି
ନାସା ଆନି ଆସ୍ତି ତଲେ ପିସ୍ପି ଆହାହିଲଅତେରି, ୧୯ ସାମା ଏନି
ସିନା ଅଡ଼େ ଦହ ହିଲଆଗାଟି ମେଣ୍ଡା ତାଲୁ ଲେହେଁତି କ୍ରୀସ୍ତି ଗାଡି
ଦାରାଗାଟି ନେତେରି ତଲେ ପିସ୍ପି ଆହାମାଞ୍ଜେରି । ୨୦ ଦାର୍ତତି
ଗାଡିଆଡି ନକେଏ ମାହାପୁରୁ ଏଞ୍ଜାଣାକ୍ ଆଡିତେସି ଇଞ୍ଜା ଇ ରାନି
କୁଗୁତା ଏଞ୍ଜାସି ମିଞ୍ଜେତାକି ତଞ୍ଜା ଆହାମାଞ୍ଜାନେସି; ୨୧ ଆମିନି
ମାହାପୁରୁ ଏଞ୍ଜାଣାକ୍ ହାକିଟି ନିକହାନା ଗାଞ୍ଜୁରମି ହାହାମାନେସି,
ଏଞ୍ଜାଣି ତାଣାଟି ମୀରୁ ଏ ମାହାପୁରୁକ୍ ନାମିମାଞ୍ଜେରି, ଇଦାଆଁତାକି ମୀ
ବାରେ ନାମୁ ଅଡ଼େ ବାସ୍ତି ମାହାପୁରୁ ତାଣା ଆବୁଞ୍ଜା ଆହାମାନେ ।

୨୨ ନୀର୍ବ ମୀରୁ ସାତାତି ମାନୁଞ୍ଜି ଆହାନା କୁଟୁ ହିଲଆ ତାୟିକ୍ ଜୀଞ୍ଜୁ
ନହାଲି ତାକି ମୀ ହିୟାତି ଅଡ଼ହା କତାମାନାକି ମୀ ବାରେ ହିୟା ତଲେ
ମୀରୁ ରଣ୍ଡିଏ ମନତଲେ ରଅତେରି ରଅଣାକ୍ ଜୀଞ୍ଜୁନଦୁ । ୨୩ ଇତିହାସ
ମୀରୁ ନାସା ଆନି ପାଡ଼େୟିଟି ଆଏ, ସାମା ଏତେଲ୍ଲା ନାସା ଆଆଗାଟି
ପାଡ଼େୟିଟି, ଇତିହାସ ମାହାପୁରୁତି ଜୀଞ୍ଜୁ ଅଡ଼େ ବାରେବେଲ୍ଲା ତୁୟିନି
ବଲ୍ଲୁ ତଲେ ଖେଣ୍ଡେ ଜାନା ଆହାମାଞ୍ଜେରି । ୨୪ ଦାର୍ମୁ ସାପ୍ତେରିତା
ରାସ୍ତିକି ଆହାମାନେ,

“ଇତିହାସ ଦାର୍ତତିତା ବାରେ ଲକ୍ଷ୍ମି ଗାକ୍ ଜାଡ଼ା ଲେହେଁତାରି,

ଏଞ୍ଜାରି ଅଜୁ ବାରେ ଜାଡ଼ାତି ପୂଜା ଲେହେଁତାୟି ।

ଗାକ୍ ଜାଡ଼ା ଖାୟାହାନେ ଇଞ୍ଜା ପୂଜା ବାରେ ତୁଲ୍ଲାହାନୁ ।

୨୫ ସାମା ମାହାପୁରୁତି ବଲ୍ଲୁ କାଲ୍ଲାକାଲ୍ଲାତାକି ତୁୟିନେ ।” ଇଦି ଏ
ନେହାଁ କାବୁତି ବଲ୍ଲୁ, ଆମିନି ଗାଟାୟି ମୀ ତାଣା ଖେପ୍ତିକି ଆହାମାତେ

|

୨

ଜୀଝୁତି ଖାଲି ଅଡ଼େ ସୁଦୁଗାଟି କୁଡ଼ା

୧ ଇତିହାସ ପ୍ରଭୁ କାର୍ମା ମେହନାସି ଇଞ୍ଜି ମୀରୁ ନୀଏଁ ପୁଞ୍ଜିମାନାକି, ଇଞ୍ଜା ବାରେ ଲାଗେଏ ପଲେଏତାଣି, ନାଡ଼ି କିନାଣି, କୁଟୁ, ଲକୁଣି ତାହାରା ଇଞ୍ଜା ଲକୁଣି ନିନ୍ଦା କାତା ଜଲିନାଣି ପିହ୍ଦୁ, ୨ ପୁଞ୍ଜି ଜାର୍ନାଆଡ଼ି କୁଟି କକାରି ପଦାଲେହେଁ ଏନାଆଁ ଆଣ୍ଡାଆଡ଼ି ପାଲୁ ଗସାଲି ଅଣ୍ଡପିଦେର, ଆଡ଼ିହାସ ମୀରୁ ପାତାଆହାନା ଗେଲପି ଆଡ଼େର । ୩ ଦାର୍ମପତିତା ରାସ୍‌କି ଆହାମାନେ, “ମାହାପୁରୁ ଏତେକା କାର୍ମା ମେହନାସି, ଏଦାଆଁ ମୀରୁ ପୁଞ୍ଜିମାଞ୍ଜେରି ।”

୪ ଜୀଝୁଗାଟି ଖାଲି ଲେହେଁତି ପ୍ରଭୁ, ଏଞ୍ଜାଣାକ୍ ମାଣ୍ଡସିୟାଁ ତାଣାଟି ଅପାଆତେରି ସାତା, ସାମା ମାହାପୁରୁ ତାଣା ଆଡ଼ି ଆହାନା ଗାଡ଼ି ଦାରାଗାଟାସି ଆଡ଼େସି । ୫ ତାନି ତାଣା ଖାହାନା ମୀରୁ ଜିକେଏ ଜୀସୁ କ୍ରୀସ୍ତ ତାଣାଟି ମାହାପୁରୁ ନକିତା ନେହାଁ ଜୀଝୁତି ପୂଜା ହାହାଲିତାକି ସୁଦୁଗାଟି ପୂଜେରାଜା ଲେହେଁ ଆହାଲିତାକି ଜୀଝୁତି ଖାଲି ଲେହେଁ ଆହାନା ର ପ୍ରାତାନା ଇଲୁ ଲେହେଁ ଆଦୁ । ୬ ଇତିହାସ ଦାର୍ମ ପତିତା ରାସ୍‌କି ଆହାମାନେ;

“ନାନୁ ସିୟନତା ର ଆଡ଼ି ଆହାମାନି

ଅଡ଼େ ଦାରାଗାଟି କନତି ମୂଲୁ ଖାଲି କିହାମାକ୍

ଇଞ୍ଜା ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଏତେଲାଞ୍ଜା ଲାଜା ବେଟାଆଅସି ।”

୭ ମୀରୁ ପ୍ରଭୁକ୍ ନାମିମାଞ୍ଜେରି, ମୀରୁ ଏ ଦାରାଗାଟି ତାଣା ଆଣ୍ଡାମାଞ୍ଜେରି, ସାମା ଆମ୍ବାଆରି ନାମଅରି,

“ଇଲୁ କେପିନାରି ଆମିନି ଖାଲିତି ଅପାଆତେରି,

ଏଡ଼ି ଏଞ୍ଜାରାକି ଇଲୁ କନତି ମୂଲୁ ଖାଲି ଆଡ଼େ ।”

୮ ଅଡ଼େ ଦାର୍ମପତିତା ରାସ୍‌କି ଆହାମାନେ,

“ଏ ଖାଲିତା ହାଡ଼େକା ଲକୁ ପୁଟି କିନେରି,

ଏ ପାକା ଖାଲି ଏଞ୍ଜାରାକି ଡ଼ଇ ତରଗି କିନାୟି ଆନେ;”

ମାହାପୁରୁ ବଲୁ ଆହୁଆତାକି ଏଞ୍ଜାରି ଏମ୍ବାଆଁ ବାଦା ବେଟାଆନେରି ଇଞ୍ଜା ଏଦାଆଁତାକି ଏଞ୍ଜାରି ମାହାପୁରୁ ତାଣାଟି ଆଚୁଞ୍ଜି ଆହାମାଟେରି ।

^୯ ସାମା ଆମ୍ବାଆସି ମିଙ୍ଗେ ଆନ୍ଦେରିଟି ତାନି କାବାଆନି ଉଜେଡ଼ିତା ହାଟାମାଞ୍ଜାନେସି, ମୀରୁ ଏନିକ୍ ଏଞ୍ଜାଣି ଗୁଣୁ ପାଟିଦେରି, ଏଦାଆଁତାକି ମୀରୁ ମାହାପୁରୁ ଆଟାମାଞ୍ଜାନି କୃତାତେରି, ରାଜାତି ସେବାକିନି ପୂଜେରାଙ୍ଗା, ମାହାପୁରୁ ସେବାତାକି ଏଟକା ଆହାମାନି ସୁଦୁ କୃତାତେରି, ଇଞ୍ଜା ମାହାପୁରୁଟି ଲକୁତେରି ଆହାମାଞ୍ଜେରି ।
^{୧୦} “ତଲି ମୀରୁ ମାହାପୁରୁଟି ଲକୁ ଆହା ହିଲାଆତେରି, ସାମା ନୀର୍ବ ମୀରୁ ମାହାପୁରୁଟି ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁଟି କାର୍ମା ବେଟାଆହା ହିଲାଆତେରି, ସାମା ନୀର୍ବ ତାନି କାର୍ମାଆନାଣି ବେଟାଆହାମାଞ୍ଜେରି ।”

ମାହାପୁରୁଟି ହଲିୟାଙ୍ଗା

^{୧୧} ଏ ଜୀଞ୍ଜୁତି ତାୟି ତାଙ୍ଗିସ୍ତା, ନାନୁ ମିଙ୍ଗେ ଇ ଦାରତିତା ଏଟକା ଦେସାତାତେରି ଇଞ୍ଜା ହେକ ଦେସାଟି ଝାହାମାନାତେରି ଇଞ୍ଜା ଅଶ୍ଵପାନା ବାତିମାଲିମାଞ୍ଜାଇଁ, ମୀରୁ ମୀ ଆଙ୍ଗାତି ଜୁପ୍‌କାଟି ହେକ ଆଦୁ, ଏଞ୍ଜି ମୀ ଜୀଞ୍ଜୁ କପାଟି ଜୁଜୁ କିହେମାନୁ ।
^{୧୨} ମୀରୁ ଜୀହୁଦିଆଆତି ଲକୁତାଣା ମୀ ମାଣ୍‌କି ଦହ ହିଲାଆଗାଟାୟି ଆପେ, ଏନିକ୍ ଏଞ୍ଜାରି ନୀର୍ବ ମିଙ୍ଗେ ପାପୁ ଦହ ଗାଟାତେରି ଇଞ୍ଜା ନିନ୍ଦା କିୟାନେରି, ତାୟୁ କ୍ରୀସ୍ତ ଝାନି ଦିନାତା ମୀ ନେହଁ କାମା ମେସାନା ମାହାପୁରୁଇଁ ଜହରା କିନେରି ।

^{୧୩} ପ୍ରବୁତି ତାକି ବାତିମାଲିମାଞ୍ଜାଇଁ, ମୀ ମୁହେଁ ସାଲୁଞ୍ଜି କିନାରାଇଁ ମାନୁଞ୍ଜି ଆଦୁ ।
^{୧୪} ବାରେତି କିହଁ କାଜା ରାଜା ଆପେସି, ଲାଗେଏ ପଲେଏତାରାଇଁ ତଣ୍ଡ ହାହାଲି ଅଡେ ନେହଁ କାମା କିନାରାଇଁ ରାହଁ କିହାଲିତାକି ତାନିତାଣାଟି ପାଣୁଞ୍ଜିଆହାମାନି ସାଲୁଞ୍ଜି କିନାସି ଆପେସି, ଏଞ୍ଜାରାଇଁ ମାନି କିଦୁ ।
^{୧୫} ଇତିହଁ ମୀରୁ ନେହଁ କାମା କିହଁ ବୁଦି ହିଲାଆ ଉଜେଏତି କାତା ଝେହ୍‌ନାରାଇଁ ସାପି କିଦୁ, ଏଦି ମାହାପୁରୁଟି ଅଶ୍ଵପୁ ।
^{୧୬} ମୀରୁ ମେଲା ମାନାତେରି ଆଡ଼ିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଲେଏ ଲେମ୍ବାଆଦୁ, ସାମା ମାହାପୁରୁଟି ହଲିୟା ଆହାନା ନେହଁ କାମା କିଦୁ ।
^{୧୭} ବାରେ ଲକୁଇଁ ଆବାଦୁ,

କ୍ରୀସ୍ତୀନା ତାୟି ତାଙ୍ଗିଇଁ ଜୀଝୁନଦୁ, ମାହାପୁରୁଇଁ ଆଜାଦୁ, ରାଜାଇଁ ମାନି କିଦୁ ।

କ୍ରୀସ୍ତ କସ୍ତୁଟି ଜାପିନାୟି

୧୮ ହଲିୟାଙ୍ଗାତେରି ମୀରୁ ଆଜିତଲେ ମୀ ସାଝୁକାରିୟାଁଇଁ ମାନଝି ଆଦୁ, ଝାରଇ ନେହାଁରାଇଁ ଅଡ଼େ କାର୍ମା ମେହନାରାଇଁ ଆଏ, ସାମା ଲାଗେଏତି ସାଝୁକାରିୟାଁଇଁ ଜିକେଏ ଏଲେକିଁ ମାନଝିଆଦୁ । ୧୯ ଇତିହିଁ ଆମ୍ବାଆସି ମାହାପୁରୁଇଁ ନାମିତାକି ଲାଗେଏତାଣି ତାକି ଦୁକୁ କସ୍ତୁ ବେଟାଆହାନା ଅରୁହିନେସି, ଆତିହିଁ ଏଦି ରାହାଁତି କାତା । ୨୦ ମୀରୁ ମୀ ଦହ ତାକି ତଣ୍ଡ ବେଟାଆଦେରି, ଏମ୍ବାଆଁ ଏନ୍ତି ଲାବା ? ସାମା ନେହିଁ କାମାତାକି କସ୍ତୁ ଅରୁହିତିହିଁ, ମାହାପୁରୁ ମିଙ୍ଗେ ବର ହିୟାନେସି । ୨୧ ମାହାପୁରୁ ତାଣା ବାରେତାକି ହାଟ୍ଟକିଆହା ମାଞ୍ଜେରି, ଇତିହିଁ ମୀରୁ ଏନିକିଁ କ୍ରୀସ୍ତୁତି ପାଝୁଲି ତଲେ ତାକିଦେରି ଏଦାଆଁତାକି ଏଝାସି ଜିକେଏ ମିଙ୍ଗେତାକି ଦୁକୁ କସ୍ତୁ ଅରୁହାନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି; ୨୨ ଏଝାସି ଏନ୍ତି ପାପୁ ଦହ କିହାହିଲାଆତେସି କି ଏଝାଣି ଗୁଡିଟି ମିଟି କାତା ଏତେଲାଝା ହରାହିଲାଆତେ । ୨୩ ଏଝାସି ନିନ୍ଦା ବେଟାଆହି ମାଚାଟି ଝେଣ୍ଡେ ନିନ୍ଦା କିଆତେସି; ଦୁକୁ କସ୍ତୁ ବେଟାଆହି ମାଚାଟି ଝେଣ୍ଡେ କସ୍ତୁ ହିୟାଈଁ ଇଞ୍ଜିଁ ଆଜି ତସାନା ଝେହୁଆତେସି, ସାମା ସାତା ନୀହାଁୟି କିନି ମାହାପୁରୁ ତାଣା ତାନି ବାରେତି ହେରପିତେସି । ୨୪ ମାର ଏନିକିଁ ପାପୁ ତାକି ହାହାନା, ଦାମୁତାକି ଜୀଝୁତଲେ ନୀତିନାୟି, ଏଦାଆଁତାକି ଏଝାସି ପାସି ମୁଣ୍ଡା ଲାକ ତାନି ଆଙ୍ଗା ତଲେ ମା ବାରେ ପାପୁ ଡେକା ଅଡେସି, ଏଝାଣି ରାହାଁତି ମୀରୁ ନେହିଁ ଆହାମାଞ୍ଜେରି । ୨୫ ଇତିହିଁ ମୀରୁ ଜିରୁ ବାଣାଆହାମାନି ମେଣ୍ଡାୟାଁ ଲେହେଁ ଆହାମାଚେରି, ସାମା ନୀଏଁ ମୀରୁ ଜୀଝୁତି ଗଡ଼ୁ କୁଲମିତି କାଜାଣା ଜେଚ ଜେଚ ତାକାଲି ମୀରୁ ଝେଣ୍ଡା ଝାହାମାଞ୍ଜେରି ।

୩

ତକ୍ତି ତକ୍ତାତି କାତା

୧ ☆ଏଲେକିହିଁଏ ଏ ଡକ୍ରିସିକାତେରି, ମୀରୁ ମୀ ଡକ୍ରିୟାୟ୍‌ଇଁ ମାନଝିଆଦୁ, ଏନିକିହିଁଏ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ମାହାପୁରୁ କାତା ନାମାଆତି ଜିକେଏ ମୀ ନେହିଁ ମାଣକି ମେସାନା, ମୀରୁ ଝେହୁଆନା ଜିକେଏ ମାହାପୁରୁ ତାଣା ନାମାଲି ଆଡିନେରି । ୨ ଏନିକିହିଁଏ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ବଲୁତି ମାନଝି ଆଆତି ଜିକେଏ ମୀ ମାହାପୁରୁତି ଆଜି ଅଡେ ମାଣକି ମେସାନା କାତା ଝେନାଆନା ଜାହାରା ଡକ୍ରିନି ସୁଦୁଗାଟି ମାଣକି ମେସାନା ନାମିନେରି । ୩ ☆ତାୟ୍‌ଇଁ ରୁଣାୟ୍‌ଇଁ ହାରେକା ଅଜିକିହିଁ କିଶ୍‌ହା କତାନା, ବାଂଗାରା ତୁରହାନା, ଅଜିତି ହିମ୍ବୁରିକା ହୁତିନାୟ୍‌, ଝାରୁଇ ଇ ବାରେ ତଲେ ମୀ ଆଙ୍ଗାତି ଅଜି କିହାକତାଆଦୁ, ୪ ମୀ ହିୟ୍‌ତା ଏମିନି ହିଡ଼ି ଜୀଝୁତି ଗୁଣୁ ମାହାପୁରୁ ନକିତା ହାରେକା ଦାରାଗାଟାୟ୍‌, ଏଦିଏ ମୀ ନାସା ଆଆଗାଟି ଅଜୁ ଆପେ ୫ ଏନାଆଁତାକି ଇଚିହିଁ ତଲି କାଲୁତି ସୁଦୁଗାଟି ଇୟାସିକା ଜିକେଏ ମାହାପୁରୁ ତାଣା ବାର୍ସୁ ଇଟାନା ତାମି ଡକ୍ରିୟାୟ୍‌ଇଁ ମାନିକିହିଁ ଜାହାରାୟ୍‌ ଅଜିକିହା କଡିମାତୁ । ୬ ଏଲେକିହିଁଏ ସାରା ଜିକେଏ ଅବ୍ରାହାମଇଁ ମାନଝି ଆହ୍‌ ଏଞ୍ଜାଣାଇଁ ନା ପ୍ରୁ ଇଞ୍ଜିମାତେ; ମୀରୁ ଜିକେଏ ନୀଏଁ ଏନାଆଁ ଆଜାଆନା ନେହିଁ କାମା କିଡିହିଁ ଏଦାଣି ମାସ୍‌କାତେରି ଆଦେରି ।

୭ ☆ଡକ୍ରିୟାୟ୍‌ତେରି, ଏଲେକିହିଁଏ ମୀ ଡକ୍ରିସିକାଣି ମୀ କିହିଁ ବାଡୁୟ୍‌ତା ଡଶାଗାଟାଇଁ ଇଞ୍ଜୁ ପୁଞ୍ଜାନା ଏଞ୍ଜାସିକାଇଁ ମାନି କିଦୁ, ଇଞ୍ଜା ଏଞ୍ଜାସିକା ତଲେ ଆଣ୍ଡାନା ବୁଦିତଲେ ଡୟାଦୁ, ଏଞ୍ଜି ଜିକେଏ ମୀ ତଲେ ମାହାପୁରୁ ତାଣା କାଲୁକାଲୁ ଜୀଝୁତି କାର୍ମାତି ଦାନା ବେଟାଆଦୁ, ଏନିକିହିଁଏ ମୀ ପ୍ରାଡାନା କିନିତାଣା ବାଦା ଝାଏ ।

ନେହିଁ କାମାତାକି କସୁ ପାଣ୍ଡନାୟ୍‌

୮ ତାୟ୍‌ତି କାତା ଇଦି, ମୀରୁ ବାରେଜାଣା ତେରି ରଣ୍ଡିଏ ଅଣ୍ଡୁ ତଲେ ବାରେତି ସୁକୁ ଦୁକୁତା ଆଣ୍ଡି ଆନାୟ୍‌, ତାୟ୍‌ ତାଜିଇଁ ଜୀଝୁନନାୟ୍‌, ନେହିଁ ହିୟ୍‌ ଅଡେ ଜାହାରାୟ୍‌ ଡଶା କିହାକତାଦୁ । ୯ ଲକୁ ମିଙ୍ଗେ ଲାଗେଏ କିୟାତିହିଁ ଜିକେଏ ଏଞ୍ଜାରେଇଁ ଝେଣ୍ଡେ

☆ ୩:୧ ୩:୧ ଏପିସି ୫:୨୨; କଲସି ୩:୧୮ ☆ ୩:୩ ୩:୩ ୧ତିମ ୨:୯ ☆ ୩:୭ ୩:୭ ଏପିସି ୫:୨୫; କଲସି ୩:୧୯

ଲାଗେଏ କିଆଦୁ, ନିନ୍ଦା କିୟାତିହିଁ ଖେଣ୍ଡେ ନିନ୍ଦା କିଆଦୁ, ସାମା
ଏଞ୍ଜାରାଇଁ ବର ହୀଦୁ, ଏନାଆଁତାକି ଇଚିହିଁ ଏଲେକିହାଲି ମାହାପୁରୁ
ମିଙ୍ଗେ ଆଚାନା ହାଟାମାଞ୍ଜାନେସି । ୧୦ ଦାମ୍ବୁ ସାସ୍ତେରିତା ରାସ୍‌କି
ଆହାମାନି ଲେହେଁ

“ଆମ୍ବାଆସି ଜୀଞ୍ଜୁତା ସୁକୁ ତଲେ ଡୟାଲି ଇଞ୍ଜା ରାହାଁତି ଦିନାୟା
ମେସାଲି ଅଶ୍‌ପିନେସି,

ଏଞ୍ଜସି ଲାଗେଏ ପଲେଏ କାତାୟା ତାନି ଖେନ୍‌ଚିଚି
ଜଲ୍ଲାଆପେସି,

ଅଡେ ମିଚି କାତାୟା ତାନି ଗୁଡିଚି ଏଚେଲାଞ୍ଜା ହଆପୁ ।

୧୧ ଏଞ୍ଜସି ଲାଗେଏ ପଲେଏ ତାଣାଚି ହେକ ଆହାନା ନେହିଁ କାମା
କିପେସି,

ଇଞ୍ଜା ତାନି ବାରେ ହିୟା ତଲେ ହିଡ଼ଡ଼ି ଜୀଞ୍ଜୁ ପାରାନା ଏ ଜିରୁଚି
ତାକାପେସି ।

୧୨ ଏନାଆଁତାକି ଇଚିହିଁ ଦାମ୍ବୁ ଗାଟାରାକି ପ୍ରବୁତି କାନୁ ମାନେ,

ଇଞ୍ଜା ଏଞ୍ଜାରି ପ୍ରାତାନାତି କୀର୍କା ଅତାହାଁ ଖେନେସି,

ସାମା ପାପୁ ଗାଟାରି କପାଚି ପ୍ରବୁ ନିଜ୍ଜିନେସି ।”

୧୩ ମୀରୁ ନେହିଁ କାମାତାକି ରାହାଁ ଗାଟାଚେରି ଆଦେରି,
ଆଡିହିଁ ଆମ୍ବାଆସି ମିଙ୍ଗେ ଲାଗେଏ କିୟାଲି ଆଡାନେସି ?

୧୪ ☆ସାମା ନେହିଁ କାମା କିହାନା କସ୍ତ ବେଟାଆଡି ଜିକେଏ, ଏଦି
ମୀ ତାକି ନେହେଁ, ଆମ୍ବାଆସି ମିଙ୍ଗେ ଆଜି କିୟାତିହିଁ ଆଜିତାକି

ଆତାଜାକା ଆଆଦୁ; ୧୫ ସାମା କ୍ରୀସ୍ତାଇଁ ପ୍ରବୁ ଇଞ୍ଜା ମୀ ହିୟାତା ସୁଦୁ
ତଲେ ମାନି କିଦୁ, ଆମ୍ବାଆସି ଏଚେଲାଞ୍ଜା ମୀ ତାଣା ମାନି ବାସ୍‌ଡି

କାତା ପୁଞ୍ଜାଲି ଖେଞ୍ଜାତିହିଁ, ଏଞ୍ଜାଣାଇଁ ଖେଣ୍ଡେ ଖେସାଲି ମୀ ଅଶ୍‌ପୁ
ତଲେ ଡିୟାଚା ଆହାମାଞ୍ଜୁ, ୧୬ ସାମା ଖେହ୍‌ନାଚି ସୁଦୁ ଅଡେ ମାନିଗାଚି

ଅଶ୍‌ପୁ ତଲେ ଆଜାଆନା ନେହିଁ ରୁଦିଚି ଖେହ୍‌ଦୁ, ମୀରୁ କ୍ରୀସ୍ତ ତାଣା
ଆଣ୍ଡାନା ନେହିଁ ମାଣକି ମାନାକି ମିଙ୍ଗେ ନିନ୍ଦା କିହାନା ଦହ୍‌ଦହ୍‌ନାରି

ଏନ୍‌ସେଏ ଲାଜା ପାଶ୍‌ପେରି ଇଞ୍ଜା ମୀରୁ ତାରିଚି ଅଶ୍‌ପୁ ତଲେ
ମାଞ୍ଜୁ । ୧୭ ଏନାଆଁତାକି ଇଚିହିଁ ଲାଗେଏ ପଲେଏ କାମାତାକି ଦୁକୁ

ବେଟାଆଡି କିହାଁ ମାହାପୁରୁ ଇଚା ଆଡିହିଁ, ନେହିଁ କାମାତାକି ଦୁକୁ

ବେଟାଆନାୟି ନେହେଁ । ୧୮ କ୍ରୀସ୍ତ ମିଙ୍ଗେ ମାହାପୁରୁ ତାଣା ତାଚାଲି ତାକି ଏଞ୍ଜାସି ଦାମ୍ବୁଗାଟାସି ଆହାନା ଦାମ୍ବୁ ହିଲାଆ ଗାଟାରି ତାକି ପାପୁ ତାକି ରଣ୍ଡିଏ ଦେବା ହାଡେସି, ଏଞ୍ଜାସି ଆଙ୍ଗା ତଲେ ହାଡେସି ସାତା, ସାମା ଜୀଝୁତଲେ ନୀଡିଡେସି, ୧୯ ଏମ୍ବାଟିଏ ଏଞ୍ଜାସି ସୁଦୁଜୀଝୁ ତଲେ ମାଞ୍ଜାନା ଦସ୍ପି ଆହାମାଟି ଜୀଝୁୟାଁ ତାଣା ହାଜାନା ମାହାପୁରୁ ବଲୁ ଝେକ୍‌ହେସି; ୨୦ ତଲି କାଲାତା ନହ୍ ଜାଜା କେପିତି ବେଲା, ମାହାପୁରୁ ସାସାତଲେ କାଟିମାଟେସି, ଆଡିଜିକେଏ ଏଞ୍ଜାଣାଲ୍ ମାନଝି ଆଆଡେରି, ଏ ଜାଜାତା ହାରେକା ଲକୁ ଆଏ, ଆଟା ଜାଣା ହଡାନା ଏମ୍ବୁଟି ଗେଲ୍‌ପି ଆଡେରି; ୨୧ ଏ ଏମ୍ବୁ ଇ କାଲାତି ବାପ୍ତିସ୍ମ* ଇଟିହ୍ ଏଡି ମା ଆଙ୍ଗାତି ମାଟି ନରନାୟି ଆଏ, ସାମା ମାହାପୁରୁ ତାଣା ନେହ୍ ଅଣ୍‌ପୁ ବେଟାଆହାଲି ପ୍ରାତାନା କିନାୟି, ଇଞ୍ଜାଁ ଜୀସୁ କ୍ରୀସ୍ତ ହାକିଟି ନିଙ୍ଗିତାକି ଗେଲ୍‌ପି ଆନାୟି । ୨୨ ଏ ଜୀସୁ କ୍ରୀସ୍ତ ଲାକପୁରୁ ହାଜାନା ମାହାପୁରୁତି ଚିଃନି ଟଟତା କୁଗାମାନେସି, ଏମ୍ବାଆଁ ଦୂଡୁୟାଁ, ପାଣା ବେଟାଆଆତାରି ଅଡେ ବାଡୁୟୁ ଗାଟାରି, ଏଞ୍ଜାଣାଲ୍ ମାନଝି ଆହାନା ତାନି ଡ଼ଇ ମାନେରି ।

୪

ମାହାପୁରୁ ତାକି ନୀଡିନାୟି

୧ କ୍ରୀସ୍ତ ଆଙ୍ଗା ତଲେ ଦୁକୁ କସ୍ତ ବେଟାଆହା ମାନାକି ମୀରୁ ଜିକେଏ ଏଲେକିହ୍ ଏ ଏଞ୍ଜାଣି ଲେହେଁତି ଅଣ୍‌ପୁ ତଲେ ଜାହାରାଲ୍ ଡିୟାରା କିହାକତାଦୁ, ଏନାଆଁତାକି ଇଟିହ୍ ଆମ୍ବାଆସି କ୍ରୀସ୍ତତି ତାକି ଆଙ୍ଗାତା ଦୁକୁ କସ୍ତ ବେଟା ଆହାମାନେସି, ଏଞ୍ଜାସି ପାପୁଟି ହେକ ଆହାମାନେସି, ୨ ଏନିକ୍ ମୀରୁ ଦାରଡିତା ନୀଡାମାନି ପାଡେକା ପାପୁଗାଟି ମାଣ୍‌ସିତି ଲାଗେଏ ଜୁପ୍‌କାତି ଅଣ୍‌ପୁ ତଲେ ନୀଡାଆନା ମାହାପୁରୁତି ଅଣ୍‌ପୁ ଲେହେଁ ନୀଡାଦୁ । ୩ ହାରେକା ଦିନା ମୀରୁ ନାମାଆଗାଟାରି ଇଟା ତଲେ କାମା କିହାଁ ମୀରୁ ଏଟେ କାଲା ଲାଗେଏ ପଲେଏ କାମାତା, ଲାଗେଏତି ଜୁପ୍‌କା, କାଡୁ ରୁଡୁ ଅନାୟି, କାଡୁ ଗୁସାନା ରାହାଁ କିନାୟି, କାଡୁ ଗୁସାନା ହଡିନାୟି, ଇଞ୍ଜାଁ ଅପାଆଗାଟି ପେଣ୍‌କା ବମାୟାଁଣି ପୂଜା କିହିମାଟେରି, ୪ ମୀରୁ ନୀଏଁ ଏଞ୍ଜାରିତଲେ ଏ ବାରେ ଲାଗେଏ

* ୩:୨୧ ୩:୨୧ମୁଞ୍ଜିନାୟି

ପଲେଏ କାମାତା ରାହାଁତଲେ ଆଣ୍ଠିହିଲଅତେରି, ଏଦାଆଁତାକି ଏଞ୍ଜାରି ଆତାଜାକା ଆହାନା ମିଙ୍ଗେ ହାରେକା ନିନ୍ଦା କିୟାନେରି । ୫ ସାମା ଆମିନି ମାହାପୁରୁ ନୀତାମାନାରାଇଁ ଅଡ଼େ ହାତାରାଇଁ ନାହାଁୟି କିହାଲି ହାଜିମାନେସି, ଏ ମାହାପୁରୁ ନକିତା ଏଞ୍ଜାରି ତାମି ବାରେ କିତି କାମାତି ଲେକା ହୀନାୟି ମାନେ । ୬ ଏଦାଆଁତାକି ହାତାରି ତାଣା ଜିକେଏ ମାହାପୁରୁତି ନେହଁ କାରୁ ଷ୍ଟେସପିଆଡେ, ଏନିକଁ ଏଞ୍ଜାରି ମାଣ୍ଡସିୟାଁ ଲେହେଁ ଆଜ୍ଞା ତଲେ ନାହାଁୟି କିଞ୍ଚି ଆତିହଁ ଜିକେଏ ମାହାପୁରୁ ଲେହେଁ ଜୀଞ୍ଜୁତଲେ ନୀତିନେରି ।

ମାହାପୁରୁତି ଦାନା ଅଡ଼େ ନେହଁ ଗୁମୁସ୍ତା

୭ ଏ ବାରେତି ରାନି ଦିନା ତାଗେ ଖାଡ଼େୟିଏ, ଏଦାଆଁତାକି ମୀରୁ ନେହଁ ବୁଦି ଗାଟାତେରି ଆଦୁ, ଇଞ୍ଜା ମାହାପୁରୁ ତାଣା ପ୍ରାତାନା କିୟାଲି ତାକି ଜାଗ୍ରାତା ଆହାନା ମାଞ୍ଜୁ । ୮ ବାରେତି କିହାଁ ମୀରୁ ରଅତେରି ରଅଣାଇଁ ହାରେକା ଜୀଞ୍ଜୁନଦୁ, ଏଦାଆଁତାକି ଇତିହଁ ଏଲେତି ଜୀଞ୍ଜୁନନାୟି ହାରେକା ପାପୁତି ପ୍ଲିକ୍ନେ । ୯ ଗୁମୁମୁରୁ ଆଆନା ରଅତେରି ରଅଣାଇଁ ଗତାୟାଁ ଲେହେଁକି ସେବା କିଦୁ । ୧୦ ବାରେଜାଣା ତେରି ଏନିକଁ ମାହାପୁରୁ କାର୍ମାତି ଦାନା ବେଟାଆହାମାଞ୍ଜେରି, ଏଲେକିହଁ ଏ ମୀରୁ ମାହାପୁରୁ ମେରାତି ନେହଁ ଗୁମୁସ୍ତାୟାଁ ଲେହେଁ ଆହାନା ଏ ବାରେ ଦାନା ତଲେ ରଅତେରି ରଅଣାଇଁ ସେବା କିଞ୍ଚିଆଦୁ । ୧୧ ଆମ୍ବାଆସି ଷ୍ଟେକ୍ନେସି ମାହାପୁରୁତି ନେହଁ କାରୁ ଷ୍ଟେକ୍ନାସି ଲେହେଁ ଷ୍ଟେକ୍ପେସି; ଇଞ୍ଜା ଆମ୍ବାଆସି ସେବା କିନେସି ମାହାପୁରୁ ତାଣାଟି ବାଡ଼ୁୟି ବେଟାଆହାମାନି ଲେହେଁ ସେବା କିପାସି । ଏନିକଁ ଜୀସୁ କ୍ରୀସୁ ତାଣାଟି ମାହାପୁରୁ ଗାଞ୍ଜୁରମି ବେଟା ଆନେସି; ଇଞ୍ଜା କାଲାକାଲାତି ଗାଞ୍ଜୁରମି ଅଡ଼େ କାଜାପାଣା ଏଞ୍ଜାଣିଞ୍ଜାୟି । ଆମେନ୍ ।

କ୍ରୀସ୍ତାନା ଲକ୍ଷ୍ମି ଦୁକୁ କସ୍ତ

୧୨ ଏ ନା ଜୀଞ୍ଜୁତି ତଟେସିଙ୍ଗାତେରି, ନୀଏଁ ମିଙ୍ଗେ ହିରୁତା ତାୟିପାରି କିନି ଲେହେଁ ହାରେକା ଦୁକୁ କସ୍ତ ଖାହାମାନେ, ଏଦି ମାଙ୍ଗେ ଖାନାୟି ହିଲାଆତେ ଇଞ୍ଜା ଅଣ୍ଡାଆଦୁ । ୧୩ ସାମା କ୍ରୀସ୍ତତି ଦୁକୁ କସ୍ତତା ମୀରୁ ଏରେକା ଆଣ୍ଡାମାଞ୍ଜେରି ଏରେକେଏ ରାହାଁ ଆଦୁ, ଏନିକଁ ଏଞ୍ଜାଣି ଗାଞ୍ଜୁରମି ତଞ୍ଜାଆନି ବେଲତା ଜିକେଏ ମୀରୁ କାଜା ରାହାଁତା ରାହାଁ

ଆଦେରି । ^{୧୪} ସାମା ମୀରୁ କ୍ରୀସ୍ତତି ଦରୁ ତାକି ନିନ୍ଦା ବେଟାଆଦେରି ଆତିହିଁ ମୀରୁ ନେହାତେରି, ଇତିହିଁ ଗାଝୁରମିଗାଟି ଜୀଝୁ, ଇତିହିଁ ମାହାପୁରୁତି ଜୀଝୁ ମୀ ତାଣା ତୟାମାନେ । ^{୧୫} ଏଦାଆଁତାକି ମୀ ବିତ୍ରାଟି ଲକୁଣି ପାୟିନାରି, ସରୁ କିନାରି, ଦହ କାମା କିହାନା, ଲକୁଇଁ ସାକ୍ତି କାତା ଜଲିନାରି ଆହାନା ସାସ୍ତି ବେଟାଆଦେରି । ^{୧୬} ସାମା ଆମ୍ବାଆସି କ୍ରୀସ୍ତାନା ଲକୁ ଆହାମାନାକି ସାସ୍ତି ବେଟାଆନେସି, ଆତିହିଁ ଏଝାସି ଲାଜା ଆଆପେସି, ସାମା ଇ କ୍ରୀସ୍ତ ଦରୁ ତାକି ମାହାପୁରୁଇଁ ଜହରା କିପେସି ।

^{୧୭} ଇତିହିଁ ମାହାପୁରୁ ଇଲୁଟିଏ ନୀହାଁୟି କିଝି ଆହାଁ ବିଚାରା କିନି ଦିନା ଖାନେ; ଇତିହିଁ ମାହାପୁରୁ ନକେଏ ମାଙ୍ଗେ ନୀହାଁୟି କିୟାତିହିଁ, ଆତିହିଁ ତାମି ନେହିଁ କାରୁ ମାନଝି ଆହାହିଲଅରି ଏଝାରି ତାୟୁତି ତଣ୍ଡ ଏବେକା ଆଜିହପେତାୟି ଆଏ ! ^{୧୮} ସାସ୍ତିରିତା ରାସ୍ତି ଆହାମାନେ,

“ଦାମ୍ବୁଗାଟାସି କସ୍ତତଲେ ଗେଲ୍ପି ଆନେସି,

ଆତିହିଁ ଦାମ୍ବୁ ହିଲାଆ ଗାଟାରି ଅଡ଼େ ପାପୁଗାଟି ଲକୁ ଏନିକିଁ ମୂମ୍ବୁ ତୁହନେରି ?”

^{୧୯} ଇତିହିଁ ଆମ୍ବାଆରି ମାହାପୁରୁତି ଅଣ୍ପୁ ଲେହେଁ ଦୁକୁ କସ୍ତ ବେଟାଆନେରି, ଏଝାରି ନେହିଁ କାମା କିହାନା ଏଝାଣି ତାଣା ହାରେପୁରେ ବାସ୍ତି କିପାରି, ଆତିହିଁ ଏଝାରାଇଁ ଗାଡ଼ିକିତି ମାହାପୁରୁ ବାରେବେଲା ତାନି ଆଞ୍ଜାମାନି କାମା ଲେହେଁ କିନେସି ।



ମାହାପୁରୁତି ମେଣ୍ଡାୟି

^୧ ଇତିହିଁ ନାନୁ ମୀ ତଲେତି ର କୁଲମିତି ପ୍ରାତିନାତେଏଁ, ଅଡ଼େ କ୍ରୀସ୍ତତି ଦୁକୁ ବେଟାଆହାମାନି ତାଣାତି ସାକି ଇଞ୍ଜା ଖାହିମାନି ଗାଝୁରମିତା ଆଣ୍ଡିନାତେଏଁ ନାନୁ, ମୀ ତାଣା ମାନି ପ୍ରାତିନାଙ୍ଗାଣି ବାତିମାଲିମାଇଁ, ^୨ *ମୀ ତାଣା ମାନି ମେଣ୍ଡାୟିଣି ଜାତନ୍ତୁ କିଦୁ ମାହାପୁରୁ ମିଙ୍ଗେ ହେର୍ପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା

☆ ୫:୨ ୫:୨ ଜହ ୨୧:୧୫-୧୭

କିନାକି ଆଏ, ସାମା ରାହାଁ ଅଣ୍ଟୁ ତଲେ ମାହାପୁରୁ ଅଣ୍ଟୁତି ଲେହେଁ ଜାତନ୍ କିଦୁ, ୱାରଇ ତାରୁୟାଁ ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣ୍ଟୁ ତଲେ କାମା କିଦୁ ।^୩ ଅଡେ ଆମ୍ବାଆରି ଦାୟିପତି ମୀ କେୟୁତା ହୀପ୍‌କି ଆହାମାଞ୍ଜାନେ, ଏଞ୍ଜାରି ମୁହେଁ ସାଲ୍‌ଞ୍ଜି କିନାତେରି ଆଆନା ଏ ମାନ୍ଦାତି ମାନି ଗାଟାତେରି ଆହାନା କିଦୁ ।^୪ ଏଚେଟିଏ “କାଜା ଗଡ଼”ୁ ତଞ୍ଜାଆନି ଦିନାତା ମୀରୁ ଗାଞ୍ଜୁରମିତି ଏଚେଲା ୱାଡାଆଗାଟି ଟଫେରି ବେଟାଆଡେରି । ତାନି ଉଜେଡ଼ି ଏଚେଲା ୱାଡେଏ ।

^୫ ଏ ଦାଂଗଣାୟାଁତେରି, ଏଲେକିହୁଁଏ ମୀରୁ ଜିକେଏ ମୀ ପ୍ରାଚିନାଙ୍ଗାଣି ମାନଞ୍ଜି ଆଦୁ, ମୀରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଣ୍ଟୁତି ହିମ୍ବୁରି ଲେହେଁ ପରଦୁ, ଦାମ୍ବୁ ସାଫେରିତା ରାସ୍‌କି ଆହାମାନେ, “ଇଚିହୁଁ ମାହାପୁରୁ ତାହାରା ଗାଟାରି କପାଟି ନିଙ୍ଗାନା ସୁଦୁ ଗାଟାରାଇଁ କାର୍ମା ମେହନେସି ।”^୬ *ମାହାପୁରୁତି ବାଡ଼ୟୁଗାଟି କେୟୁ ତଇ ମୀରୁ ମିଙ୍ଗେ ଉଣା କିହାକତାଦୁ, ଏନିକିହୁଁ ଏଞ୍ଜାସି ତାୟୁ ସମାନା ଦିନାତା ମିଙ୍ଗେ କାଜାତେରି କିୟାନେସି;^୭ ମୀ ଅଣ୍ଟୁତି ବଜୁ ବାରେ ମାହାପୁରୁ ତାଣା ହେର୍ପାଦୁ ଇଚିହୁଁ ଏଞ୍ଜାସି ମିଙ୍ଗେତାକି ଅଣ୍ଟିପିନେସି ।

^୮ ସେଡନା ଆହାନା ଜାଗ୍ରାତା ମାଞ୍ଜୁ, ଏନାଆଁତାକି ଇଚିହୁଁ ଆମ୍ବାଆରାଇଁ ଗୁହୁଁ ଇଞ୍ଜୁଁ ମୀ ସାତୁ ସୟତାନ ତୁକିମାନି ସିହୁଁକ୍ୱାଞ୍ଜି ଲେହେଁ ପାରିହୁଁ ରେଜିମାନେସି ।^୯ ମୀରୁ ନାମୁତା ତୀରି ମାଞ୍ଜାନା ସୟତାନଇଁ ପେର୍ଦୁ, ଏନାଆଁତାକି ଇଚିହୁଁ ଇ ଦାର୍‌ତିତା ମାନି ମୀ ନାମିତି ତାୟିୟାଁକି ଇଲେତି ଦୁକୁ କସ୍ତୁ ଆହିମାନେ ।^{୧୦} କ୍ରୀସ୍ତ ତଲେ ଆଣ୍ଡାନା ତାନି କାଲାକାଲାତି ଗାଞ୍ଜୁରମିତା ଆଣ୍ଡାଲି କାର୍ମାମେହନି ମାହାପୁରୁ ମିଙ୍ଗେ ହାଟାମାଞ୍ଜାନେସି, ମୀ ଗାଡେକାତି ଦୁକୁ କସ୍ତୁ ବେଟାଆଡ଼ି ତାୟୁ ଏଞ୍ଜାସି ତାନ୍‌ଏ ମିଙ୍ଗେ ତୀରି ଆଟ୍‌ଞ୍ଜା, ବାଡ଼ୟୁ, ଅଡେ ଏଚେଲା ଗୁଟା ଆଆଗାଟି ବାସ୍‌ମୁଁ ମିଙ୍ଗେ ହିୟାନେସି ।^{୧୧} ବାରେ ବାଡ଼ୟୁ ଦୁଗୁ ଦୁଗୁତାକି ଏଞ୍ଜାଣିଞ୍ଜାୟି । ଆମେନ୍ ।

ରାନିବେଲାତି ଜହରା

* ୫:୬ ୫:୬ ମାତି ୨୩:୧୨; ଲୁକ ୧୪:୧୧; ୧୮:୧୪

୧୨ ☆ସିଲାଇଁ ନାମୁତି ତାୟିଲେହେଁ ନାନୁ ଜୀଝୁନହ୍ନାନା ତାନିତାଣାଟି ନାନୁ ଇ ଉଣା ଆକୁ ରାଟାମାଇଁ । ମାହାପୁରୁତି ସାତା କାର୍ମାତି ସାକି ହୀହାନା ମିଙ୍ଗେ ରାହ୍ନାଁ କିୟାନାୟି ନା କାମା । ଏ କାର୍ମା ମେହ୍ନିତାଣା ଆଟ୍ଠାତଲେ ମାଞ୍ଜୁ ।

୧୩ ☆ମାହାପୁରୁ ତାକି ଆଟ୍ଠି ଆହ୍ମାନି ବାବିଲନତା ମାନି କୁଲମି ଅଡେ ନା ଦାମୁତି ମୀରଏସି ମାର୍କ ଜିକେଏ ମିଙ୍ଗେ ଜହରା କିହିମାଞ୍ଜାନେରି । ୧୪ କ୍ରୀସ୍ତାନା ଲକୁ ଲେହେଁ ଜୀଝୁନହ୍ନାନା ଜହରା କିପୁ । କ୍ରୀସ୍ତ ତାଣା ମାନି ଲକୁକି ହିଡ଼ଡି ଆପେ ।

☆ ୫:୧୨ ୫:୧୨ କାମା ୧୫:୨୨,୪୦
 ୧୫:୩୭-୩୯; କଲସି ୪:୧୦; ପିଲିମ ୧:୨୪

☆ ୫:୧୩ ୫:୧୩ କାମା ୧୨:୧୨,୨୫; ୧୩:୧୩;

ପୁସ୍ତକ ଫେରା

The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33